

Adroddiad i'r	Cabinet
Dyddiad y cyfarfod	26 Gorffennaf 2022
Cadeirydd y Pwyllgor Craffu: Y Cyngorydd Huw O Williams (Cadeirydd y Pwyllgor Craffu Cymunedau)	
Awdur yr adroddiad	Rhian Evans, Cydlynnydd Craffu
Teitl	Adolygiad o Benderfyniad y Cabinet mewn perthynas â Chynllun Penderfyniadau Dirprwyedig Arfaethedig ar gyfer Caffael Tir (Rhydd-Ddaliadol a Lesddaliadol) i Ddibenion Dal a Storio Carbon a Gwelliannau Ecolegol

1. Am beth mae'r adroddiad yn sôn?

- 1.1 Casgliadau'r Pwyllgor Craffu Cymunedau yn dilyn adolygiad o benderfyniad y Cabinet ar 15 Chwefror 2022 ynghylch 'Cynllun Penderfyniadau Dirprwyedig Arfaethedig ar gyfer Caffael Tir (Rhydd-Ddaliadol a Lesddaliadol) i Ddibenion Dal a Storio Carbon a Gwelliannau Ecolegol'.

2. Beth yw'r rheswm dros lunio'r adroddiad hwn?

- 2.1 Rhoi gwybod i'r Cabinet am gasgliadau'r Pwyllgor Craffu Cymunedau yn dilyn adolygiad o'i benderfyniad ar 15 Chwefror 2022 ynghylch 'Cynllun Penderfyniadau Dirprwyedig Arfaethedig ar gyfer Caffael Tir (Rhydd-Ddaliadol a Lesddaliadol) i Ddibenion Dal a Storio Carbon a Gwelliannau Ecolegol'. Cwblhawyd yr adolygiad yn unol â Rheolau Gweithdrefn Galw i Mewn y Cyngor wedi derbyn cais ffurfiol wedi'i lofnodi i adolygu'r penderfyniad.
- 2.2 Cyflwyno argymhellion y Pwyllgor i'r Cabinet yn dilyn ei adolygiad o'r penderfyniad ac annog y Cabinet i adolygu ei benderfyniad gwreiddiol gan gymryd canfyddiadau ac argymhellion y Pwyllgor Craffu i ystyriaeth.

3. Beth yw'r Argymhellion?

Bod y Cabinet yn:

- 3.1 cydnabod casgliadau, pryderon ac argymhellion y Pwyllgor Craffu Cymunedau yn dilyn adolygiad o benderfyniad y Cabinet ar 15 Chwefror 2022 ynghylch 'Cynllun Penderfyniadau Dirprwyedig Arfaethedig ar gyfer Caffael Tir (Rhydd-Ddaliadol a Lesddaliadol) i Ddibenion Dal a Storio Carbon a Gwelliannau Ecolegol'; a
- 3.2 cytuno i ailystyried ei benderfyniad gwreiddiol, gyda'r nod o gyflymu'r broses o wneud penderfyniadau ar gyfer prynu tir, a cyn adolygu'r penderfyniad, bod y Cabinet yn:
 - (i) gweithio gyda'r Undebau Ffermio a'r Ffederasiwn Clybiau Ffermwyr Ifanc i geisio ymatebion cynhwysfawr gan y sefydliadau hynny ar y Cynllun Arfaethedig;
 - (ii) cytuno i newid geiriad y Cynllun Penderfyniadau Dirprwyedig arfaethedig (ac unrhyw ddogfennaeth gysylltiedig) sy'n ymwneud â chysylltu ag aelodau lleol a Grwpiau Ardal Aelodau fel ei fod yn darllen: ymgynghori/ymgyngoriad yn hytrach na hysbysu/hysbysiad';
 - (iii) bod adolygiad yn cael ei gynnal ar yr adeg briodol o adnoddau staffio Gwasanaeth Cefn Gwlad y Cyngor i sicrhau bod ganddo gapasiti digonol i ymdrin â'r dyletswyddau ychwanegol a fydd yn disgyn ar y gwasanaeth yn y dyfodol o ran gwaith storio carbon a gwelliannau ecolegol; a
 - (iv) gofyn bod gwybodaeth fanwl ar raddio tir amaethyddol yn Sir Ddinbych (yn cynnwys mapiau darluniadol) yn cael eu darparu i'r gwneuthurwyr penderfyniadau wrth adolygu'r penderfyniad.

4. Manylion yr adroddiad

- 4.1 Ar 15 Chwefror 2022, ystyriodd y Cabinet adroddiad ar 'Gynllun Penderfyniadau Dirprwyedig Arfaethedig ar gyfer Caffael Tir (Rhydd-Ddaliadol a Lesddaliadol) i Ddibenion Dal a Storio Carbon a Gwelliannau Ecolegol'. Gellir gweld yr adroddiad i'r Cabinet yn Atodiad 1.
- 4.2 Wedi trafod y mater penderfynodd y Cabinet:
 - (a) *"gymeradwyo cyflwyno cynllun penderfyniadau dirprwyedig arfaethedig ar gyfer caffael tir (rhydd-ddaliadol a lesddaliadol) i ddibenion dal a*

storio carbon a gwelliannau ecolegol fel y cynigir yn Atodiad 1 i'r adroddiad hwn,"

(b) cadarnhau ei fod wedi darllen, deall ac wedi ystyried yr Asesiad o Effaith ar Les (Atodiad 2 yr adroddiad) fel rhan o'i ystyriaethau."

- 4.3 Mae gweithdrefn 'galw i mewn' y Cyngor yn diffinio'r broses os yw'r Pwyllgor Craffu'n dymuno arfer ei bwerau statudol i adolygu neu graffu penderfyniadau gweithredol, a gofyn i'r sawl sy'n gwneud penderfyniadau ailystyried penderfyniad a wnaed, cyn iddo gael ei weithredu.
- 4.4 Cyhoeddwyd penderfyniad y Cabinet ar wefan y Cyngor ar 17 Chwefror 2022. Yn unol â Rheolau Gweithdrefn Galw i Mewn y Cyngor, ni roddwyd y penderfyniad ar waith yn syth, er mwyn caniatáu i gynghorwyr nad ydynt yn aelodau Cabinet i alw'r penderfyniad i mewn i'w archwilio os oeddynt yn teimlo ei fod yn haeddu archwiliad manylach.
- 4.5 Derbyniwyd negeseuon e-bost 'Hysbysiad o Alw i Mewn' ar gyfer y penderfyniad uchod, gan y nifer ofynnol o gynghorwyr nad ydynt yn aelodau o'r Cabinet, rhwng 23 a 24 Chwefror 2022, roedd hyn o fewn y cyfnod o bum diwrnod gwaith a bennir yn Rheolau Gweithdrefn 'Galw i Mewn' y Cyngor. Mae'r rhesymau dros Alw'r Penderfyniad i Mewn fel a ganlyn:
- "...roedd pryderon bod y Cyngor mewn sefyllfa i 'gipio tir' mewn ocsiwn drwy o bosibl gynnig mwy amdano na ffermwyr a pherchnogion tir lleol. [Rydym] yn deall na fyddai gan y Cyngor ddiddordeb mewn prynu'r tir amaethyddol gorau, teimlir fodd bynnag bod angen trafod penderfyniadau gyda'r aelod lleol a'r Grŵp Aelodau Ardal Lleol a deall y wybodaeth a'r angen lleol cyn gwneud cais am barsel o dir."
- 4.6 Mae gweithdrefn 'galw i mewn' y Cyngor yn nodi y dylid cynnal cyfarfod arbennig o bwyllgor craffu o fewn 5 diwrnod gwaith i dderbyn Hysbysiad o Alw Penderfyniad i Mewn oni bai bod gan y pwyllgor craffu gyfarfod wedi'i drefnu o fewn y cyfnod hwnnw eisoes. Mae'r weithdrefn hefyd yn nodi bod modd ymestyn yr amserlen os bydd y sawl sy'n gwneud penderfyniad a chadeirydd y pwyllgor craffu'n cytuno i'w hymestyn. Gan nad oedd y penderfyniad yn ymfyn gweithredu brys, cytunwyd i ymestyn yr amserlen i alluogi i'r penderfyniad gael ei wneud yn y cyfarfod nesaf a oedd ar gael gan y pwyllgor craffu. O ganlyniad, ystyriwyd y penderfyniad gan y Pwyllgor Craffu

Cymunedau yn y cyfarfod nesaf a oedd ar gael, sef 10 Mawrth 2022. Mae copi o'r adroddiad ynghlwm fel Atodiad 2 er gwybodaeth.

- 4.7 Cafwyd trafodaeth fanwl yn ystod cyfarfod y Pwyllgor Craffu Cymunedau ar y rhesymau dros benderfyniad y Cabinet, y broses arfaethedig ar gyfer gwneud penderfyniadau dirprwyedig at ddibenion prynu tir a dal a storio carbon a gwelliannau ecolegol, ynghyd â'r trefniadau diogelu fyddai ar waith i liniaru yn erbyn y perygl o'r Awdurdod yn 'cipio tir' mewn ocsiwn a fyddai'n cael effaith niweidiol ar fusnesau a chymunedau lleol. Gellir gwyllo'r [ddadl](#) lawn ar wefan y Cyngor a gellir dod o hyd i gopi o gofnodion y drafodaeth yn Atodiad 3 i'r adroddiad hwn.
- 4.8 Ar ddiwedd y drafodaeth, cydnabu'r Pwyllgor, os oedd y Cyngor am gyflawni ei uchelgais mewn perthynas â lleihau carbon, y byddai angen mabwysiadu dull aml ochrog a fyddai'n cynnwys prynu parceli o dir i'w osod yn erbyn defnydd carbon na elli ei osgoi. Er hynny, ni ddylai'r arfer hon ddisodli mesurau lleihau carbon eraill, yn hytrach, fe ddylent ategu atynt. Sicrhawyd y Pwyllgor na fyddai'r Cyngor yn prynu tir ffermio o'r safonau uchaf at y diben hwn ac y byddai trothwy ariannol penodol yn cael ei nodi ar gyfer prynu tir at y diben hwn er mwyn diogelu cyllid y cyhoedd.
- 4.9 Fodd bynnag, roedd y Pwyllgor yn bryderus am oblygiadau anfwriadol posibl y penderfyniadau i brynu tir at y diben hwn ar hyfywedd busnesau amaethyddol lleol a bywoliaethau teuluoedd lleol i'r dyfodol, a allai gael effaith niweidiol ar gynaliadwyedd economaidd hirdymor cymunedau lleol, gan newid natur ac ethos bywyd cymunedol yn ardaloedd gwledig y sir yn llwyr. O ganlyniad, gofynnir i'r Cabinet ailystyried ei benderfyniad, ond cyn gwneud hynny, gofynnir iddo gymryd pryderon ac argymhellion y Pwyllgor i ystyriaeth.
- 4.10 Nod argymhellion y Pwyllgor yw cryfhau sail penderfyniad y Cabinet drwy sicrhau cefnogaeth cymunedau gwledig ar gyfer y broses, a gwella cyfranogiad aelodau etholedig yn y broses, a sicrhau y bydd digon o adnoddau ar gael i dîm Gwasanaethau Cefn Gwlad y Cyngor fedru cyflawni uchelgeisiau amgylcheddol y Cyngor. Yn sgil y casgliadau a'r argymhellion hyn, mae'r Pwyllgor yn gofyn i'r Cabinet ailystyried ei benderfyniad gwreiddiol.

5. Sut mae'r penderfyniad yn cyfrannu at y Blaenoriaethau Corfforaethol?

5.1. Gweler Adran 5 adroddiad y Cabinet dyddiedig 15 Chwefror 2022 (Atodiad 1).

6. Faint fydd hyn yn ei gostio a sut y bydd yn effeithio ar wasanaethau eraill?

6.1. Gweler Adran 6 adroddiad y Cabinet dyddiedig 15 Chwefror 2022 (Atodiad 1).

6.2. Gellir bodloni'r costau sy'n gysylltiedig â chymeradwyo argymhellion y Pwyllgor Craffu o fewn cyllidebau presennol, a bydd sicrhau unrhyw adnoddau ychwanegol ar gyfer Gwasanaethau Cefn Gwlad yn rhan o'r prosesau ar gyfer gosod y gyllideb i'r dyfodol.

7. Beth yw prif gasgliadau'r Asesiad o'r Effaith ar Les?

7.1. Gweler Adran 7 adroddiad y Cabinet dyddiedig 15 Chwefror 2022 (Atodiad 1).

8. Pa ymgynghoriadau sydd wedi'u cynnal gyda Chraffu ac eraill?

Mae'r adroddiad yn amlinellu casgliadau'r broses Craffu.

9. Datganiad y Prif Swyddog Cyllid

9.1. Gweler Adran 9 adroddiad y Cabinet dyddiedig 15 Chwefror 2022 (Atodiad 1).

10. Pa risgiau sydd ac a oes unrhyw beth y gallwn ei wneud i'w lleihau?

10.1. Dylai unrhyw benderfyniad i gymeradwyo argymhellion y Pwyllgor Craffu mewn perthynas â phenderfyniad gwreiddiol y Cabinet liniaru'r risg i'r Cyngor o ymateb niweidiol gan gymunedau a/neu sylw negyddol gan y cyfryngau i'r defnydd o gyllid y cyhoedd.

11. Pŵer i wneud y penderfyniad

11.1. Adrannau 21(2) a (3) o Ddeddf Llywodraeth Leol 2000; ac

11.2 Adran 7.4.2(a) o Gyfansoddiad y Cyngor, sy'n datgan "Gall Pwyllgorau Archwilio adolygu a chraffu ar [benderfyniadau'r Cabinet]" ac Adran 7.4.2(d) sy'n datgan

y gall y Pwyllgor “[wneud] argymhellion i'r Cabinet... sy'n deillio o ganlyniadau'r broses archwilio.”